

掌故叢編

第六輯



學世遺編

田六

掌故叢編第六輯

中華民國十七年六月出版

編輯所

故宮博物院
圖書館掌故部

發行所

景山西大高殿
電話東局九八七

印刷所

興華門內後細瓦廠
和濟印刷局



價目表	郵費	
	本	外
每月一冊	五角	二元七角
半年六冊	五角	五元二角
全年十二冊	五角	五元二角
每期一分		每期二分五
每期五分		每期五分

代售處
琉璃廠 商務印書館 中華書局 直隸書局
青雲閣 富晉書局 佩文齋
東安市場 佩文齋

清宣宗像



八月間

何先生

何二先生好

先生回南路二年矣何日到家

我家內外人等俱好

女先生亦好

先生女兒在此極好更不必掛

懷

先生要着寶節衣保重

身子思將來上報

白雲思切囑

八阿哥前何焯書好
生收着恐怕失謄了

三月十四日

八貝勒字問

何先生

何二先生好。我近來甚覺寂寞。
不必挂懷。

先生女兒在內極好。潘來之
事。已經面託彼處將軍。自
再三叮囑。其事必能大發。

三月十四日

八貝勒允禩與何焯書

右書二通皆依原書尺寸影印其題三月十四日者書外封也其後題八阿哥與何焯書云云乃聖祖御筆八阿哥名允禩聖祖第八子初封貝勒世宗即位封廉親王後議罪改名爲阿其那焯字屺瞻江蘇長洲人學者稱義門先生康熙四十一年用李光地薦召直南書房四十二年賜舉人又賜進士改庶吉士尋命侍讀允禩府歷數年丁父憂歸此二書蓋其憂歸時所寄五十二年再以光地薦赴闕授編修五十四年中蜚語下獄上諭曰何焯爲人狂妄衆所共知朕欽賜舉人進士伊當終身感激乃生性不識恩義將今時文章比之萬歷末年文章將伊女與允禩撫養又爲潘耒之子夤緣罪應正法但念其稍能記誦從寬免死著將伊官銜並進士舉人革去在武英殿修書處行走如不悛改著該管官員即行參奏此書中所云潘耒之事當即指爲夤緣者也其女爲允禩所養雍正四年列爲允禩罪狀四十欸之一據秦道然口供允禩將何焯小女兒養在府中府中之事俱是福金做主允禩實爲福金所制云

掌故叢編 第六輯目錄

清宣宗像

影片

允禩致何焯書二

影片

朱廷翰陳三事本

王守履自劾本

許作梅祈賜處分本

向玉軒畿地圈撥將盡本

郝傑乞賜進士袍服本

楊璜議獄以弭天變本

以上六本

廿八至卅三

計六葉

鄂爾泰摺

三十至三十九

計十葉

年羹堯摺

二十至二十九

計十葉

英使馬戛爾尼來聘案

三十二至三十八

計七葉

徐述夔詩案附殷寶山案 十三至二十一 計九葉

西征隨筆 五十至五十七終 計八葉

龍圖發微 三十一至三十八 計八葉

御製續燈以說大變本 四十六本 廿八元 計六葉

陳翁之訓 卷上 蘇州本

回牙神錄 蘇州刻本

清心辨論 蘇州刻本

王守仁自撰本

宋王陽明三事本

水經注 河間書二冊

蘇宜宗錄 卷一

掌函叢書 卷六 目錄

朱廷翰陳三事本

雲南道試監察御史臣朱廷翰謹題爲圖治必揆其要用人當審其幾謹獻芻言以裨上理事臣聞古聖賢之治天下也必聯上下爲一體式銓序如平衡故能興起事功振隆德業臣有三言冒塵天聽冀以埃露仰佐嵩溟一曰和衷之宜協也皇上開創大業當出震有爲之時滿漢諸臣師濟盈朝正竭智圖功之會謂宜肝膽相照謀斷相資濟濟師師共理國是儻有一毫之意見未融終必至於枘鑿而誤事皇上亦安用此營私背公之臣爲也此爲宜協者一一曰詔旨之當信也南都歸順推補各官不知奉幾綸音今則江西湖廣又入版圖矣乃自都察院題差御史數員而外不聞推何督撫用何司道夫郡縣有司猶可委署此等授鉞建節之官不出自部推簡用何以撫綏黎庶彈壓地方豈吏部實鮮其人遂

其難而其慎乎此爲當信者二一曰元惡之當問也臣待罪歷城
稔聞南官貪毒兇殘惡聲載道而馬士英阮大鍼爲尤甚始則置
君如奕棋急則挾君而他遁不忠不義罪業彌天今投順臣中無
二惡之名藏機巨測豈其恃姦雄之故智營兔窟而倖免於斧鑕
乎果爾則南都百萬生靈之恨何由雪也此爲當問者三臣所陳
三事皆目前之急務不敢膚泛勦拾伏乞皇上裁察施行爲此具
本謹題請旨順治二年閏六月初十日

旨言官論事須詳察確指不得含糊揣度屢經申飭這本內意見
未融營私背公等語俱屬含糊朱廷翰著回將話來南官事在赦
前不必追論推用官員事宜遵屢旨行該部院知道

王守履自劾本

廣西道監察御史臣王守履謹題爲國是不可不明臣節不可不

立謹束身自劾伏祈聖明罷斥以全耻心事臣山右豎儒久放林泉欣逢聖主天開蕩寇救民起臣田間改授臺員感激思奮期以耳目之官自盡厥職遂不識忌諱具特糾奸貪敗類一疏恭論首輔馮銓等在臣愚昧有激於衷有聞必告知有盡忠報主之一念更不知有情面罔顧小嫌故冒昧披陳一聽聖裁乃荷蒙皇上皇叔父攝政王寬仁留中不發概示優容併宥臣指斥大臣之過不加罪斥仰沐高厚再生之恩宜何如捐糜以圖報稱敢自求退但臣有言責不得其言則去所關臣節匪細若從此畏忌不言於臣爲溺職而苟容不去狂直復鳴必且言出而禍隨況以屬員指及堂官一衙門內上而率屬面目之難施下而稟成芒刺之負背尙安能效職業振風紀哉且臣更有疑焉前奉有屢著自行回奏非阻塞言路正欲求其實據之旨迺李森先之革斥已駭聽聞而莊

憲祖據實回奏又摘句節怒未問先行革職非借票擬作威顯示
阻抑言官乎從此日事摧折言路黯然無色誰不以言爲戒縱有
忠言讜論恐人人自危咸思結舌矣臣櫻衆怒必將伺隙割刃朋
謀傾陷尙敢論壹人言壹事爲我皇上效耳目之官乎伏乞聖恩
蚤賜罷逐以謝諸臣以存廉耻庶國是不至日非而臣節不至掃
地矣臣不勝感激惶悚隕越待命之至爲此具本謹題請旨順治
二年九月初七日

旨王守履疏參馮銓等事涉無據不必引咎求罷仍照舊供職該
部院知道

許作梅祈賜處分本

工科給事中臣許作梅謹題爲君父之量愈寬臣子之心益愧祈
賜處分以存廉耻事臣聞公是公非天下無相岐之理爲黜爲陟

朝廷有一定之衡斷未有一事而是非兩持黜陟彼此各異者臣以使署蒙聖恩拔置言官非不知柔曼取容多言取咎但生昌言之朝事堯舜之主而容悅是甘爲身家計則得矣上負隆恩下虧職業爲何如者故不徇人情不畏權貴有指參馮銓一疏忠君愛國人各有心此台臣之交章所自來也致煩皇叔父攝政王召臣等親訊一堂吁咈千古無兩仍宣布皇上求言責實之心優容臣等空言無當之罪其面諭有曰此等本章俱留中不發抄傳大哉王言一語包荒眞天地父母之心也臣跪聽綸音悚仄無地退思補過正欲具疏求斥而台臣李森先奉旨褫革臣用是益增惶愧矣竊思聞過引避古大臣之風臣何敢以大臣自比若言官失言卽爲曠職尙可覲顏立於青瑣之班哉雖朝廷不加譴謫而君恩愈重臣罪愈深臣與森先其職同其言同森先已有顯罰而臣晏

然於其位問理問法俱有所不安也數日以來反躬自責惟去就之義先明斯禮義之坊可立懇祈聖明將臣處分庶是非不兩立而黜陟畫於一矣是拔臣於言路不能爲補闕拾遺之臣放臣於草野猶得爲耕田鑿井之民也伏候聖鑒施行緣係君父之量愈寬臣子之心益愧祈賜處分以存廉恥事理未敢擅便謹題請旨

順治二年九月十三日

旨許作梅等御史言不實之事朕已槩行寬宥今許作梅不肯自已復切求去官即如願准去著革了職永不叙用該部院知道

向玉軒畿地圈撥將盡本

吏科都給事中臣向玉軒謹題爲畿地圈撥將盡殘黎死徙日多敬陳一得以安子遺事竊聞國以民爲本而畿輔尤在所先故民生遂則邦本固畿甸定則四方寧從來聖帝明王祈天永命必由

此也自國家定鼎於茲即察屯地與勳戚絕產及民間無主荒田
安插滿洲竊意滿洲雖多百萬之衆處之裕然已今三百里內不
足則遠及五百里無主之地不足因概及於有主以致民衆失業
苦不忍言臣細求其故不能無說而處此如滿洲分地原以口計
今諸大人之地廣連阡陌多至拋荒則亦委於無用已獨不可稍
行限田之制乎諸王校尉則有地各色匠役則有地市民投入則
有地甚至閹宦刑餘則有地以此輩從來不知稼穡授之土田如
搏畫餅獨不可復工食而禁投充乎如保定河間二路本西南孔
道沿途村店皆行旅借以停驂而通津運河一帶漕艘商舶銜尾
往來其河干居民非擊柝防奸則荷鍤疏淺今皆圈佔是以行旅
驚畏裹足不前獨不可留之以通水陸之道乎仰誦明詔田地許
令兌補已然一應家伙器用誰爲之兌補者況所補之地力不任

開墾則西成無收穫之望力即任開墾則將來有再佔之憂無惑乎民間展轉流離哭聲遍野椎埋行刼狂吠時聞夫今日之遊魂亂賊即前日皇上之織婢耕奴也從此生計既枯勢歸於盡不知此五百里內將來士流孰爲恒產錢糧何人辦納粟草料豆何人運搬此又不可不爲經久慮也臣猶記前年遭寇民方在湯火之中一聞王師拯救鼓舞歡呼視皇上之畿內如登春臺視皇上之東來如依慈母就此一念愛戴之殷尤不忍其顛連也臣爲此言非不欲朝廷安插滿洲也但不以收投充養雜役而取民間之田則厚幸已以事關民生字稍逾格伏乞皇上鑒宥施行爲此具本謹題請旨順治三年二月二十二日

旨戶部知道

郝傑乞賜進士袍服本